

ZAKON O IZMJENAMA I DOPUNAMA ZAKONA O ARBITRAŽI

Član 1

U Zakonu o arbitraži ("Službeni list CG", broj 47/15) poslije člana 2 dodaje se novi član koji glasi:

„Podobnost za arbitražu

Član 2a

Arbitraža se može ugovarati za rješavanje spora o pravima kojima stranke slobodno raspolažu, osim za sporove za koje je propisana isključiva nadležnost sudova u Crnoj Gori.“

Član 2

U članu 4 poslije stava 3 dodaje se novi stav koji glasi:

"Radi sprovođenja arbitraže može se osnovati i stalna arbitražna institucija koja obavlja poslove organizovanja arbitražnih postupaka u skladu sa ovim zakonom."

Član 3

U članu 11 na kraju stava 1 tačka se zamjenjuje zarezom i dodaju riječi: "bez obzira da li je sporazumom o arbitraži određeno da se arbitraža sprovodi u drugoj državi."

Član 4

U članu 13 stav 4 mijenja se i glasi:

“Ako arbitra pojedinca stranke ne imenuju sporazumno u roku od 30 dana od dana kad jedna stranka pozove drugu stranku da zajednički imenuju arbitra, imenovanje vrši fizičko ili pravno lice koje su stranke sporazumom odredile (u daljem tekstu: organ imenovanja), a ako ga nijesu odredile ili organ imenovanja ne imenuje arbitra pojedinca u roku od 30 dana od dana kad jedna od stranaka pozove organ imenovanja da imenuje arbitra pojedinca, odluku o imenovanju arbitra donijeće sud iz člana 6 stav 1 ovog zakona.”

Stav 6 mijenja se i glasi:

"Ako spor rješavaju tri arbitra, svaka stranka imenuje po jednog arbitra u roku od 30 dana od dana kad je druga stranka pozove da to učini, a tako imenovani arbitri imenuju između sebe arbitra u roku od 30 dana od dana njihovog imenovanja. Ako pozvana stranka ne imenuje arbitra u propisanom roku, arbitra imenuje organ imenovanja, a ako organ imenovanja nije određen ili organ imenovanja ne imenuje arbitra, u roku koji su stranke sporazumom odredile ili u roku od 30 dana od dana kad jedna od stranaka pozove organ imenovanja da imenuje arbitra ako rok nije predviđen sporazumom stranaka, odluku o imenovanju donijeće sud iz člana 6 stav 1 ovog zakona."

U stavu 9 riječi: "jednak broj arbitara." zamjenjuju se riječima: "jednak paran broj arbitara, a tako imenovani arbitri imenuju jednog arbitra u roku od 30 dana od dana njihovog imenovanja."

Član 5

U članu 17 stav 2 riječi: „propušta ili odugovlači“ zamjenjuju se riječima: "ne izvršava ili propušta".

Član 6

Član 25 mijenja se i glasi:

"Stranke su dužne da, bez odlaganja, obavijeste arbitražni tribunal o promjeni činjenica na osnovu kojih je privremena mjera zahtijevana ili određena."

Član 7

U članu 32 stav 5 riječi: "st. 1 i 2" zamjenjuju se riječima: "st. 1, 2 i 3".

Član 8

U članu 33 stav 1 tačka 1 riječi: "obavještenje o arbitraži;" zamjenjuju se riječima: "zahtjev za arbitražu;".

Član 9

U članu 35 na kraju stava 1 tačka se zamjenjuje zarezom i dodaju riječi: "u roku koji su stranke sporazumno odredile, a ako rok nije određen ili ako ga stranke nijesu odredile u roku koji odredi arbitražni tribunal.".

Član 10

Naziv člana 37 mijenja se i glasi:

"Posljedice propuštanja".

Član 11

Poslije člana 37 dodaje se novi član koji glasi:

"Svjedoci

Član 37a

Svjedoci se, po pravilu, saslušavaju na raspravi.

Svjedoci mogu da budu saslušani i van rasprave ako na to pristanu i stranke se tome ne protive.

Arbitražni tribunal može od svjedoka da traži da u određenom roku u pisanom obliku odgovore na postavljena pitanja, ako se stranke tome ne protive."

Član 12

U članu 39 poslije stava 3 dodaje se novi stav koji glasi:

"Dokaze izvedene pred sudom iz stava 2 ovog člana arbitražni tribunal cijeni kao dokaze koje je sam izveo."

Član 13

U članu 40 stav 5 poslije riječi "arbitraži" dodaju se zarez i riječi: "odnosno ugovora".

Član 14

U članu 43 stav 5 mijenja se i glasi:

"Arbitražna odluka sadrži uvod, izreku, odluku o troškovima arbitraže, obrazloženje ako su se stranke sporazumjele da bude sadržano u odluci, kao i datum i mjesto donošenja."

Stav 6 briše se.

Član 15

Poslije člana 44 dodaje se novi član koji glasi:

"Dostavljanje

Član 44a

Arbitražna institucija koja je organizovala arbitražu dostavlja arbitražnu odluku strankama u skladu sa svojim pravilima.

U ad hoc arbitraži arbitražni tribunal dostavlja arbitražnu odluku strankama na način kako su se stranke sporazumjele."

Član 16

U članu 48 stav 3 briše se.

Dosadašnji stav 4 postaje stav 3.

Član 17

Poslije člana 48 dodaju se dva nova člana koji glase:

"Rok za podnošenje tužbe za poništaj

Član 48a

Tužba za poništaj arbitražne odluke može se podnijeti u roku od tri mjeseca od dana kad je stranka koja podnosi tužbu primila arbitražnu odluku, a najkasnije u roku od jedne godine od dana donošenja odluke.

Ako je stranka podnijela zahtjev za ispravku, tumačenje ili dopunu odluke, tužba za poništaj može se podnijeti u roku od tri mjeseca od dana kad je odluka o ovim zahtjevima dostavljena strankama, a najkasnije u roku od jedne godine od dana donošenja odluke.

Postupak po tužbi za poništaj arbitražne odluke je hitan.

Zastoj postupka

Član 48b

Sud pred kojim je podnijeta tužba za poništaj arbitražne odluke može na zahtjev stranke da zastane sa postupkom na vremenski period koji sam odredi da bi omogućio arbitražnom tribunalu da preduzme radnje koje ocijeni kao potrebne za otklanjanje razloga za poništaj."

Član 18

U članu 51 stav 1 briše se.

Dosadašnji st. 2 i 3 postaju st. 1 i 2.

Član 19

Poslije člana 55 dodaje se novi član koji glasi:

"Član 55a

Započeti postupci koji nijesu okončani do dana stupanja na snagu ovog zakona okončaće se u skladu sa Zakonom o arbitraži ("Službeni list CG", broj 47/15)."

Član 20

Ovaj zakon stupa na snagu osmog dana od dana objavljivanja u „Službenom listu Crne Gore“.